

## 名相解釋

### 【長跪】（丁福保《佛學大辭典》）

（術語）兩膝據(靠)地，兩脛(小腿)上空，兩足指頭柱(支持)地，挺身而立，經文或曰胡跪。佛使丈夫互跪，使尼眾長跪，以女子體弱，長跪較互跪為易也。

釋門歸敬儀下曰：「僧是丈夫，剛幹(身體軀幹強健)事立，故制互跪。尼是女弱，翹苦(勤苦)易勞，故令長跪。兩膝據地，兩脛翹空，兩足指柱地，挺身而立者也。」

寄歸傳一曰：「言長跪者，謂是雙膝踞地，豎兩足以支身，舊云胡跪者非也。五天(東西南北中五方之天竺)皆爾，何獨道胡？」

釋氏要覽中曰：「長跪即兩膝著地，亦先下右膝為禮。」

### 【胡跪】（丁福保《佛學大辭典》）

（雜語）胡人跪坐之法也。此中有左跪、互跪、長跪三種。左跪者，右膝著地，其足指豎地，右股置空，豎左膝，左足踏地。是戰戰而表敬意之意。經中所謂右膝著地也。此為正儀。歸敬儀曰：「言胡跪者，胡人敬相，此方所無。存其本緣，故云胡也。」又曰：「佛法順右，即以右膝拄地，右髀(音去又ㄟㄨ，同「腿」)在空，右指拄地。又左膝上戴，左指拄地，使三處翹翹(上舉貌)曲身前就，故得心有專至，請悔方極。」

慧琳音義三十六曰：「胡跪，右膝著地，豎左膝危坐，或云互跪也。」

### 【雪山】（丁福保《佛學大辭典》）

（地名）印度之北境有高聳大山，千古頂雪，故云雪山。梵語 *Himalaya*。譯曰雪藏。涅槃經二十七曰：「雪山有草，名為忍辱。牛若食者，則出醍醐。」

唐書西域傳曰：「北天竺距雪山，圍抱如壁。南有谷，通為國門。」同註曰：「長春真人西遊記，過大雪山，積雪甚高。馬上舉鞭測之，猶未及其半。又曰：由他路回，遂歷大山，山有石門，望如削蠟。有巨石橫其上，若橋焉。」

外國史略曰：「印度北連雪山，稱曰希馬拉雅山，與西藏交界，希馬拉雅山高於海面二萬九千尺。」

### 【株杌】（法相辭典(朱芾煌編)）

（株，音出ㄨ 露在地面上的樹根、樹幹或樹樁。杌，音ㄨ、指樹木斫伐後剩下的樁子。）

瑜伽八卷六頁云：壤善稼田，故名株杌。

瑜伽八十四卷十三頁云：又彼能令轉成上品相續起故，能令身心無堪能故；說為株杌。如烏鹵田，不任耕植。又處所別故，彼所生疑、有差別故；說五心株(即「五心栽」，如下釋)。貪等別故；說有三株(貪瞋癡之三毒)。

瑜伽八十九卷十二頁云：復次若貪瞋癡纏所纏故，或彼隨眠所隨眠故；心不調柔；心極愚昧；於得自義，能作衰損；故名株杌。

雜集論七卷三頁云：株杌有三。謂貪瞋癡。由依止貪瞋癡，先所串習為方便故；成貪等行。心不調順，無所堪能，難可解脫；令諸眾生、難斷此行。故名株杌。所以者何？對治道犁、難可破壞。約此義故，立為株杌。於無量生，串習貪等，以成其行；堅固難拔，猶株杌故。

## 【五心裁】(三藏法數(明·一如等撰))

〔出成實論〕

〔一、疑佛〕，疑佛者，謂眾生心，作如是念：佛為大耶？富蘭那等為大耶？由此疑念，不信佛是智人，惡口讒謗(讒毀誹謗)，裁斷自心善根，故名心裁。(梵語富蘭那，無翻，即空見外道。謂一切法無所有，如虛空不生滅也。)

〔二、疑法〕，疑法者，謂眾生心，作如是念：佛法為勝耶？韋陀等法為勝耶？由此疑念，不信正法，惡口讒謗，裁斷自心善根，故名心裁。(梵語韋陀，華言智論。即外道邪智之論也。)

〔三、疑僧〕，疑僧者，謂眾生心，作如是念：佛之弟子為勝耶？富蘭那弟子為勝耶？由此疑念，不信三寶，惡口讒謗，裁斷自心善根，故名心裁。(三寶者，佛寶、法寶、僧寶也。)

〔四、疑戒〕，疑戒者，謂眾生心，作如是念：佛所說戒為勝耶？雞狗等戒為勝耶？由此疑念，不信正戒，毀破律儀，惡口讒謗，裁斷自心善根，故名心裁。(雞狗戒者，即外道所持之戒，謂如雞獨足而立，如狗噉糞穢，依此而行苦行，以為持戒也。)

〔五、疑教化〕，疑教化者，謂眾生心，作如是念：為佛所教化為正耶？富蘭那等教化為正耶？由此疑念，不信正教，惡口讒謗，裁斷自心善根，故名心裁。